

國  
朝  
文  
錄

清獻堂彙文錄引

清獻堂集仁和趙鹿泉先生著先生於乾隆戊申己酉兩典吾江鄉試隨畱視學一時文章流播羅殆盡流風遺韻迄今猶傳播士林予少時讀其時文見其有力如虎能於五家外別開生面知其必深於古而全彙久未得見近歲館龍泉始於石園李氏得之所著說經之書如尚書質疑詩細讀春秋存彙春秋三傳雜案及四書溫故錄諸書類皆根柢註疏以古健之筆判異同之案大義卓然不支不泛非他考據家搜討叢碎無關典要者所能及也古文不以體分而以年次自謂欲以考其闕歷之先後說經之作既

已分編故散體文僅存十卷大都戛戛獨造絕不依傍古人且翦截浮蕪不使一閒文冗字而高深雄傑之氣象渾灝流轉之機神既鬱勃而盤迴亦完足而酣暢異矣哉世之以壇坫自雄者皆未之及也說經之作多自成文可與李穆堂集中考解論說相配然既已別行亦不具錄今惟錄本集之文爲二卷上高李祖陶

清獻堂文錄目錄

卷一

四書溫故錄自序

江西鄉試錄序

櫺城制藝序

重修先賢有子祠墓始立五經博士序

送高孝子序

西園制藝序

家譜略序

羅旭莊先生六十壽序

旌節程母八十壽序

遊懷玉山記

卷二

書趙世家後

書聖兄墓碑後

書書永清張乞人事後

書張蔭堂治行本末續張府君傳後

答問原道

文林郎楊學山先生墓表

朝議大夫廣西柳州府知府楊府君墓志銘

光祿大夫工部尙書贈太子太保謚恭定閻公墓志銘

李母汪太孺人七十壽紀

書海寧祝貞女節略

李貞孝本末紀

清獻堂文錄卷一

仁和趙 佑鹿泉著

後學上高李祖陶欽

高安彭壽世勉

○四書溫故錄自序

莫故於四書。吾所最先習之者也。五經則待四書畢而後習者也。其在四書。以五經爲故。讀四書不進之以五經。不足以通四書也。其在四書集註。以古注疏爲故。讀集註不兼之以古疏注。不足以見紫陽採集之精。體經明道之功。凡諸儒之勤勤於注之疏之者。亦均自故出。均有功於其間。而所見之分詣不同。故其所得僅止。

於膚末而至有紕繆顯然之失以俟朱子善求故用故而不泥於  
故爲之去非存是旁羅眾說舉其大綱析其微奧而後稱集成焉  
故遵朱者不易之定典也世之學者或偶憑一隅之異同妄矣陋  
矣雖然凡故異乎朱子而紕繆顯然者既非讀之不足以見其有  
同乎朱子而仍不及朱子或較過於朱子與夫雖異夫朱子而未  
嘗不足以備學者質疑析難參今註所不逮者則亦皆朱子之所  
以俟學者之善求而自得之初無礙乎其遵朱者也佑讀論孟注  
疏越數四始敢稍點筆其中隨他見聞以時存記期乎免遺忘備  
質證廣啓迪久乃別錄出之或篇或段不拘章句節次不多分卷



學庸裁數篇末爲重輯趙岐孟子章指統名之曰四書溫故案溫  
尋也尋重也於文尋作煇古作燄皆以寒更溫之於義取諸復天  
地之理莫大於復寒則閉溫則生故終則有始君子以之溫故而  
知新故無窮也溫亦無窮也特患乎知有故而不溫日求新而反  
失故則寒矣寒未有能生者也奚新之足云學者其慎毋謂故可  
寒哉時乾隆五十二年太歲在丁未六月五日我生初之歲月日  
也書於保安寺街

可爲讀書之法視毛西河輩天淵矣

○江西鄉試錄序

欽惟我國家久道化成。人文蔚煥。

皇上以後天不老之聖。越稀齡而躋上壽。重光申祐。用頒特

詔。錫大福於下。將以已庚之歲。繼舉萬壽恩科。先於戊申之秋。

預行直省正試。所以使率土共熙於純嘏。而多士彌效其忱恂。甚

盛典也。於時臣佑由大理卿。欽奉恩命。充江西鄉試正考官。偕

吏部主事臣祥慶往。臣佑竊伏自省。庸愚褊陋。無所短長。荷

聖明特達之知。屢與文衡重寄。昨者方自山左五載而還。隨班三

法之末。曾無纖毫報稱。茲復奉恩使興。江右文藪大邦。震動懸

疎其曷以已。因益敬。維三月二十八日。蒙 賜召對於勤政殿東  
楹。天語垂詢。以科場學政防弊之事。盡是時言者紛爭議改法。  
上既明切誠諭之矣。臣佑惶恐叩首。謹對以科場弊竇難保必無。  
率不過千百人申一二。歷經 欽定條例。本極周詳。惟在持衡者。  
實心仰體。簡任深恩。公明二字交盡。自不患爲不肖所奪。隨蒙  
溫諭。汝言甚是。安得盡如爾言乎。此誠 聖慈慎重掄才。深望於  
臣工之精白將事。而臣佑所益戰兢莫能釋者也。既抵江省。則監  
臨巡撫臣何裕城。率其藩臬道府。分任監試提調諸職。皆所夕恪  
勤。內外備舉。乃進學政詹事臣翁方綱所錄士八千有奇。三試之。

過一附名宿細釋殆盡

臣佑臣祥慶率同考官某某等悉心檢校就已薦未薦各卷詳慎  
再三領取正榜九十四人副榜十八人擇其文理優者敬繕呈錄  
進備宸覽臣佑例得賜言簡端臣惟昔韓愈之戒國子生曰諸  
生業患不能精無患有司之不明行患不能成無患有司之不公  
所以勉諸生良深以切亦爲諸生言則然也非謂有司之可無患  
也蓋諸生有諸生之患有司有有司之患各有當患而不知患於  
是諸生藉口於有司之不公明有司又藉口諸生之不精成以交  
相匿而相欺臣竊以爲諸生之不精不成罪皆由有司致之何者  
諸生惟其未精未成而爲諸生有司則自諸生升之者也既無不

精且成應無不明且公矣方將以其明且公者造進天下之精且  
○養○精○聖○子○之○理○是○人○所○不○能○言○不○書○言○者○可○謂○之○聖○傑○之○士○矣○  
成而因厲夫未精未成者曉然知修業致行之端然後學術正人  
才出此有司之不愧所司也今或公而不明遇精且成者而不知  
取或明而不公利夫不精不成者而惟吾之私取焉則是天下無  
○至○此○  
取乎精且成也雖精且成第與不精不成者同聽命於其間反或  
讓其我先也如是何以爲學術人才計不亦昔人所譏爲輕朝廷  
而羞當世之士乎臣故謂有司之患更甚於諸生之患而自唐及  
今爲有司者往往不求正其所當患以下爲諸生患上更貽用人  
之患至於防閑之道日增劇而行險僥倖之習卒未有已何其甚

也。然且議者猥歸咎於法之有未至。可歟。幸當聖天子壽考。作人愛惜教導之意。無窮盡方體。必擇其明者而任之。尤必擇其明且公者任之。夫所謂明與公者。固非矯飾於形迹間也。端在持之有素。主敬存誠。內不失己。而外不失人。故宋周子之言聖學曰。無欲則靜。虛動直。靜虛則明。明則通。動直則公。公則溥。此惟我皇上龍德正中。爲全盡之。以臣庸愚褊陋。何足窺見毫末。顧屢勤寵眷。備任使。毋亦惟是仰體聖意。就臣眇小之明。與在事諸臣加之詳慎。務矢公以去不公。庶稍塞臣前日交盡之對。蓋久在聖明洞鑒中。而區區下悃。深恐其未足當萬一者夫。

痛切言之公明二字先生實能不預

植城制藝序

予初學舉業。卽聞里前輩有嚴季傳先生在昌。與其弟璉。字十區。並以文章能事。擅機雲之目。是時在康熙雍正間。陳句山太僕孫虛船副憲。杭堇浦太史暨梁諶林太史。文莊相國兄弟。皆方爲諸生。齊名壇社。淳安方朴山先生。最爲士林宗仰。諸公遊其門。相切劇文譽。遍三江。皆先後掇巍科。躋通顯。有制義行世。世競奉爲矩範。至今言吾杭文教。必歸諸公。而二嚴相與頡頏。時尙有吳協南嘉丙者。年最少。寒微尤銳於文。尋以病夭。遺藁十八篇。十區登第後。亦不久歿。遺藁裁十篇。皆朴山先生爲序。以傳。予稍長。皆及讀。



之既而通籍得從諸公稱後進承謦欬太僕又尊戚薰炙最近且久故今私橐爲所評點特多而獨未一接嚴先生僅從散刻中誦其文數首皆先生未仕前作也竊歎炳蔚如先生由所及見以擬所未見必更有不同儕俗矯然自抒心得者而久未得見以逮於今諸公皆先後殂謝遺韻邈然而予亦老矣先生音塵既杳第與諸後生談所見聞里前輩事時時及之復末由悉先生梗概比來山東有汪生者先生女婿也遊幕於茲與女婿畢登雲相識說先生宦跡本末出示其晚年文五十餘篇云尙有中年文二百餘朴山先生嘗評定而今散亡矣僅存此以屬予序予乃得竟讀焉并

其自序則皆先生宦遊時作也。予嘗歎世之所謂宦橐徒自是以欺人。先生初令江西方簿書期會之不暇。及量移黔南出入於瘴厲之鄉。卒能不輟舊業。自抒其生平蘊積。不爲塗飾。自是之所爲。卽此覘其矯然拔俗者。橐中評記皆先生自著。亦見得失寸心之實。予罕所更置。第因而附跋焉。以還汪生蓋前輩爲學皆務求於根本之地。見大而資深。其爲文不苟。雷同一以認題練意爲主。極有件件不不到。使非正佳文。○文○甘○苦○數○語○括○地○查冥密栗之思。以博其才華。而無一語無來歷。仍無一語不自己出。間有過當與率意走筆。皆能自見其性情。不屑屑於俳優聲調。後生或不盡喻其足爲後生典要。端在乎是并書之。使後之讀者。

稍知里前輩事當有所興起云樞城黔永寧城名也

此語長心鄭重敘一人而兼及眾人近有西泠十家之刻大都本

重修先賢有子祠墓始立五經博士序

亘數千百年崇聖尊賢之典至我

皇朝而大備有因於前者如王公侯伯之易而稱師稱子仍明制之善也有創於今者有子之升十哲其裔孫與二冉子顓孫子均得增置五經博士則元明之所未及也蓋自雍正二年我

世宗憲皇帝始頒明詔博參廷議斷自特裁而我

皇上成之大哉可謂曠千古而獨隆矣顧六十年於茲二冉顓孫承襲之禮具舉而有氏幾於莫考奉祀闕然學者疑之仰惟有子大賢同符先聖當時諸賢至奉以爲師而論語首尊之爲子以其

言○卽○承○子○曰○之○次○則○夫○升○配○殿○廷○允○矣○宜○稱○又○豈○有○諸○賢○祠○墓○子○  
孫○今○皆○得○考○其○所○在○用○彰○明○德○之○洪○延○備○盛○朝○之○賓○格○而○有○子○  
獨○湮○沒○失○傳○之○理○夫○上○有○隆○施○而○下○無○實○力○得○非○奉○行○者○之○責○耶○  
其○奚○以○仰○塞○曠○典○乾○隆○四○十○六○年○辛○丑○冬○仁○和○趙○佑○旣○奉○恩○命○  
視○學○山○東○以○明○年○二○月○首○詣○闕○里○躬○修○舉○奠○次○第○徧○謁○諸○林○廟○肅○  
瞻○先○古○遺○範○與○其○裔○胄○執○師○生○禮○私○以○爲○極○生○平○之○榮○遇○顧○獨○詢○  
及○有○氏○所○在○則○語○皆○或○或○無○適○主○滋○益○疑○其○夏○今○撫○軍○明○興○公○始○  
自○北○藩○升○節○東○邦○率○屬○公○明○克○振○廢○墜○慶○有○同○志○間○嘗○與○咨○歎○及○  
之○以○爲○是○不○可○以○已○會○癸○卯○秋○佑○蒙○恩○畱○任○明○年○三○月○歲○試○至○

泰安以有子嘗封平陰侯也。詢之平陰令與諸廣文。則今濟南訓導孫汝彥者。時方權肥城。對曰。肥西北七十里。有莊者。以有氏名也。其祠基與其人尙存。因乏無以自立久矣。鄉之人猶矜式之。何以知之。曰。聞之諸生李基熙。曰。其然。乃亟以語太守任溥。邑令路撰確訪之。其秋以有子宗譜來。譜載像圖言行。歷代典章祠墓世系。爲明永樂初有子五十九代孫光兆續纂有序。前有曲阜世尹孔克甲序。紀年並曰。永樂後爲今七十七代孫書所補。有邑令牛思凝序。按其文。則墓在曲阜沂河之旁也。祠在有莊。莊故屬平陰。元時割隸肥城者也。問其實。則墓一燬於明季之兵火。再沒於沂河。

之衝決也。祠亦壞於水也。其人僅十三人。以世累單微。末由自達。有司莫適考求也。所可怪者。彼牛令之序在乾隆丙寅丁卯間。正當屢奉明詔。予世襲飭訪求之後。彼胡不聞諸且其祠方存。其人其譜之世嫡相承。不離地著。並確有可據。方親爲之攝祭制。敘以冀附傳。而不以明告之上司。達之部。彼何爲者。豈別有所疑沮而不果耶。其時位其上者。又何爲者。耶。孔氏則世公而諸博士之總也。方且舍近而遠求之青州。甚又求之江南。迷離輾轉。幾何其不失之冒且濫。則又獨幸二序之存。足以考信先賢一綫之遺於不墜。嗚呼。是烏可以已。乃以眷於撫軍暨衍聖公。屬守令議所以。

奉祀者。以莊去城遠。先改卜祠城中焉。明年春。署令傅熹。以其十  
三人來。皆樸僿。傭力於汝濟間。詢其世。以克俊克昌爲大宗。卽書  
之二子也。克俊子曰守業。年十七矣。是爲有子七十二代孫。與今  
衍聖公世數適比。克俊自以癩疾。不堪奉籩豆。願以其弟先克昌  
又乞以兄之子先。因相與喟然曰。是誠務孝弟近禮義之遺也。遂  
以守業屬李基熙。教之讀書習禮容。其墓址久荒。以屬曲阜令胡  
大年焉。四氏教授顏崇禔曰。是嘗聞在城東南三里許者。吾祖父  
猶及見之。雖圯毀。可步而求也。稽諸里老。指所謂枸杞子根者。果  
得碑座於土中。胡令稍爲加營築焉。而請予履勘其地。佑乃得親



何○等○榮○幸○  
叩○謁○於○先○賢○有○子○之○墓○率○俊○昌○業○等○俯○仰○而○仿○皇○瞻○顧○而○累○欷○于○  
此○段○以○得○第○歌○墨○舞○前○之○亦○令○人○手○舞○北○距○  
以○質○諸○譜○志○所○稱○北○枕○沂○河○南○直○魯○諸○王○墓○西○爲○古○舞○雩○臺○稍○南○  
爲○南○宮○埠○邨○者○樂○其○無○不○合○也○則○信○乎○大○賢○之○靈○其○必○無○湮○沒○失○  
傳○之○理○也○於○是○以○合○祠○聞○於○上○奉○旨○勅○部○議○行○定○爲○大○宗○應○  
襲○並○飭○取○宗○圖○詳○核○重○葺○祠○墓○如○儀○而○罷○江○南○崇○明○之○請○夫○而○後○  
先○賢○一○綫○之○遺○益○以○不○墜○而○聖○朝○之○盛○典○永○觀○厥○成○矣○旣○而○檄○  
秦○安○令○嵇○承○羣○偕○孫○汝○彥○會○新○肥○令○嚴○孫○詒○曲○阜○令○許○兆○雷○加○覆○  
勘○卽○路○胡○二○令○所○草○創○而○擴○充○之○于○祠○爲○正○殿○爲○東○西○廡○爲○垂○門○  
爲○大○門○旁○爲○博○士○宅○於○墓○爲○享○堂○爲○林○門○牆○垣○樹○石○次○第○整○齊○于○

費不侈。其物畢舉。酌給祀田。衍聖公樂輸其私田近墓者三十畝。

捐置尤善

於官尺得九十畝。即令有克昌移守之。先是肥有廢義學田三頃。

有奇。租籍久不舉。攝泰安府張方理勘得之。以屬令楊續時議。

給有氏半。仍官租充祠事。嚴令更請全以給有氏爲世產。聽種佃。

贍族人。並揭諸石。其譖缺訛者。皆爲是正。而重刊之。增具 恩襲。

本末於卷首。是典也。實亘數千百年來。始自我。

世宗憲皇帝。以聖契聖特。廣崇賢禮數。又歷六十餘年於茲。我。

皇上壽考。作人而名實始無不備。合前後十數人。往復咨度。卒能。

仰體 德意。各竭其扶翼斯道之本心。暢然不疑。以伸天下古今。

之所共信固成就之有其時也抑豈非奉行之在其人乎僉曰是  
不可無以紀之維時佑以受代當還京猶及參定其事爰爲詳次  
諸人所有事以爲有氏重修祠墓始立五經博士序乾隆丙午冬  
十月

高文典冊用相如此文有焉實爲集中第一篇大文讀之如登  
泰山而臨渤海矣

○送高孝子序

江西高孝子將歸。攜其鄉人蔣星漁編修所爲高木匠傳。踵予門。淚泫泫然。請曰。高厚學。小人也。不幸少喪父。貧不能安吾母。又不幸母遭大難。遠徙數千里。求之幸而遇。終不獲還吾母。以盡一日之養。椎心泣血。其奚適歸。雖然。厚學小人也。幸而以蔣太史改不見訶斥於大人君子之門。又幸賴同邑陳武部憐其窮而挈之歸。歸今有日矣。執事之憐某窮猶二公。敢跪以告。予進而慰之曰。高孝子。豈其有名之心也。夫夫蔣太史既名子矣。宜無待予之爲子。名雖然如孝子者。可以名矣。乃走諸左右於前示之曰。此江西高

命○慈○絕○高

孝子汝曹識之乎。其人木匠也。不幸少喪父而母嫁天也。孝子求遇其母數千里外。孝子之所以爲孝也。然而終不獲還其母。母於義自不可以還也。然而不以母之不可還而不求求而遇遇而終不還而未嘗不思且泣。孝子之誠也。夫孝者人之初也。誠者孝之初也。無待於學。無分於處地。如是吾見人之無不子者矣。夫孝子者豈必盡如高孝子之不幸而幸以名其孝哉。向令高孝子所處適如人人之爲子。其必有以充其孝之量矣。又令人人適自如其爲子。則高孝子之孝將不足名。名不名非孝子心也。然而人人名之曰高孝子。自其母之所達京師而且以歸重乎其鄉。則是人人

知孝也。孝子之誠動之也。夫蔣太史亦以其誠動而已矣。汝曹識之乎。皆曰唯。既而爲書使。以歸質太史曰。夫高孝子。孝子也。傳者爲孝子。傳爲木匠。而孝子傳也。非傳木匠也。蓋直題曰高孝子。傳可乎。遂相與送孝子於大門外。孝子泣而去。事迹已備蔣傳。此只作一贊耳。而筆調自佳。

### 附高木匠傳

高厚學。江西新城縣西鄉人。父起茂。業農。年四十餘卒。母何氏。遺孤二。厚學其長也。纔十五齡。弟隨母改適鄧欽。欽故縣伍伯。越七載育子女各一。厚學既長。以傭自食。引弟歸。既而偕習匠。

人業時邑有富人饒文鼎者。繼娶程某寡婦。婦先育於程者四子。皆貧苦無賴。數求乞於母。久之見惡於文鼎。四子銜之。偵文鼎嫁女日陰結諸猾。哭後戶將刳其封藏。文鼎妾從樓檻擲酒之。孝。甕數十聲震前舍。親迎者大至。閭逐之。羣盜驚逸。所刳止一橫刀。一銅鏡。兩絺衣耳。經某橋乃焚絺衣。沉刀鏡水中。而散文鼎怨毒甚。訟四子於官。賂捕刑盡執之。獄成。程族憤焉。嗾四子婦往號臬司之門者三日。下其事於郡。太守胡某心樂之。索文鼎千金。不應。乃釋羣盜。黜令與丞尉入文鼎誣良罪。瘐死獄中。分戍諸伍伯鄧欽與焉。欽於是挾其妻往戍山西寧武府五寨。

縣厚學故有至性。遭戍之日。諸父弗使聞知。及覺哭無時。爲人營宮室。或操斧斤號泣仆於地。識者憐之。厚學旣苦貧。又昧於道路。惟日乞杯簞卜筮以自慰。又徒步詣閩邵武某山祈夢。夢挾一木板。履巉巖。芝菌布地。中蠶一筍。長尺餘。厚學方徘徊其間。忽仰視。曦輪大數畝。光彩四射。眩覺而喜焉。尋親之計益自決。乾隆己未。厚學年二十有八矣。吏或告厚學曰。晉牒來。鄧欽已死。妻何將遣歸里。厚學喜躍廢其業。待半載不至。乃鬻木匠器具走南昌。覓晉估得途。經匍匐。歷三月入五寨。泣諮郊關人。爲指其居處。入城哭詣節孝祠。有老婦負暄簷側者。卽其母何。



嫗也。嫗見厚學初疑之。旣而勵焉。于是五寨之人羣呼爲高孝子。云。先是邑宰某爲廬陵人。憫何窮苦數周之。張君文燾者爲邑巨室。漸知高孝子名。乃頻興營造。厚學爲人誠樸。往來於張者一二歲。內外皆重之。厚學數請負母歸。不許。母且爲飲子納婦。厚學知母無歸志。操斧斤哭如初。文燾益相憐。乃擇婢室之。迨文燾官京師。厚學夫婦從焉。旣而出居新城會館。以匠自給。生三子二女。爲人營造。或有問其母者。則曰。聞丙子之歲已殂矣。語次淚泫泫下。嗚呼。此之謂高孝子與。

太史氏曰。予見高孝子。年踰五十。短髭豐下。操繩墨。量曲直。一

庸人耳語及其親則皇皇如有所失嗟乎秉彝之性人皆有焉  
匠也而能葆之可嘉也已夫一出母也程之子則刻之高之子  
則歷艱阻往尋之嗚呼厚學一庸人耳雖曰未學吾必謂之學  
矣新城陳員外守詒勇於義行者也與孝匠同里有挾以還鄉  
之意噫好是懿德陳君勉乎哉

此傳甚佳贊尤頓挫沈鬱予嘗謂心餘先生文亦在袁子才上  
讀此知鹿泉先生亦甚重之矣而忠雅堂集竟不載何也

○西園制藝序

文○無○古○今○化○俗○爲○貴○能○化○俗○則○能○化○板○爲○活○化○繁○爲○約○化○臭○腐○爲○  
神○奇○見○其○大○入○之○深○而○今○也○可○以○進○於○古○矣○文○之○道○有○五○曰○氣○曰○  
骨○曰○韻○曰○聲○曰○色○氣○以○理○足○骨○以○意○堅○韻○以○情○長○聲○色○之○用○在○調○  
與○詞○二○者○非○可○少○而○專○務○之○則○俗○今○之○所○以○不○古○若○者○惟○不○察○時○  
文○與○古○文○無○異○道○恐○執○古○之○不○足○以○逢○時○始○務○求○工○於○詞○調○間○此○  
殆○由○俗○目○之○多○不○得○不○以○俗○投○俗○者○由○君○子○觀○之○無○論○其○不○能○也○  
卽○工○亦○皆○客○氣○而○骨○與○韻○舉○無○可○言○然○且○僂○失○僂○得○相○襲○相○沿○文○  
學○之○林○而○俳○優○是○師○久○之○亦○知○厭○之○一○變○而○爲○割○裂○細○裂○生○僻○自○

是不古不今之文求異俗愈不免俗烏睹其爲無累之神有道之  
器也則甚矣醫俗之難孰是能化去之者也千古精斯鑒者厥惟  
龍門太史當諸子百家盛興之際而深戒乎文不雅馴雅之爲言  
正也所以正俗也馴者化之也根極乎六經之爲雅體念乎氣骨  
韻三者之間而自然中道無苟同無苟異斯爲馴俗之患在不雅  
雅矣又患不馴故又曰擇其尤雅雅而馴斯爲尤雅也後此惟韓  
柳其諸得史公之意者乎韓答李端叔柳答韋中立二書於文之  
道詳哉盡之皆以教人之不可囿於俗於戲果得其意豈獨文哉  
予老矣未克進此而略窺此嘗樂以迪諸可與言者輒因奉新甘

○只自立論于

本題不贊一○詞

子惟屬定其稟一放言之。

此先生生平爲文之旨氣以理足滑以意堅韻以情長十二字如鐵鑄成學者宜刻之心腑

○○家譜略序

作譜難。作趙氏譜難。作吾家之譜尤難。譜以尊祖敬宗收族。使後世子孫有所稽考。慕效道在傳信。不在多文。而自代更興廢。歷播遷。社稷之子。或降。毗隸單家之戶。或驟公卿。其於譜也。或有之。而不克守。守之而不克修。修矣而不知慎。非失之草率。缺略。卽好爲附會。矜飾。先不足以成一家之信。奚以取天下之信。故曰。作之難。趙氏郡望天水。漢以來共之。然自宋祖龍興。韓王佐命。當時已不聞宗盟之序。德昭惡死。理宗繼統。後世遂以太宗之肖。判若兩姓。相讎斷續。參差忽彼忽此。粵我閩道先生。實由南陽發跡。與天潢

別受封南陽郡開國男。故今蘭溪世裔猶以標望而不稱天水明。  
不敢冒也。予舊見有以趙氏系表求題者。一以彥昭爲始祖。一以  
策爲始祖。皆出五代時。而其下宋祖韓王同列。清獻亦與焉。斯豈  
足徵者耶。卽今大江兩浙閭閻相望。大半號南渡之遺。奉紹興之  
籍。何必不然。何必盡然。勢末由執。人人而糾正之。此又所以難也。  
吾家之爲趙。則清獻公分支也。式微特甚。蓋初由金華分紹興。再  
由紹興遷餘杭。茗水源兩地俱有宋裔聚處。盛大遂時與相出入。  
迨來省垣。又以清波門內長房祖居。擅燬家廟。譜牒盡從灰燼。本  
枝蕩析。致先代遺籍莫稽。僅記從一始祖友竹公爲居杭之始。歷

佑凡八傳。我高祖以明末諸生隱淪。早世。曾祖考贈公孤露之餘。辛苦成家。始舉散越者鳩之窮乏者振之。治墓道。申族約。老而彌篤。力短心長。恐後之易訛墜也。獨顏堂曰清獻以志辦香。然於遷流人代。迄莫能與蘭溪諸趙紱昭穆焉。顯祖考大夫敦行讀書善病。晚年祝融再過。故業益無可問。顯考大夫黽勉給養。年不四旬。先仲父貤贈公偕先季父承之。克勤克儉。以完喪婚。佐寡嫂育兩孤。以有佑。今日蓋期待之意久矣。然則以佑之恩。幸得叨庇廕。竊位祿。以光我先人。其曷敢不卹卹乎。兢兢乎也。記佑從年十四五。屢隨兩叔父諸從叔走湖山間。展謁坵壟。時則先兄猶在先從伯

錄段詳紀其先墓于序中尤有深意



祖墨林公。齒德最爲族長。城北則族叔祖右衡公。率昆從子。姓間來集。到赤山埠。直九曜山之陰。墨林公指道南中高一穴。示曰。是惟始祖之藏。於吾爲高。高祖矣。左則我高祖。右則高叔祖。右衡公曰。我高祖也。是二世城內外兩支所共者也。見華表臥草中者。墨林公曰。是吾伯祖孝廉公。於天崇間登科所立也。是科同族五人。後有仕爲都察院官者。今亡絕矣。又右一穴。有樹出冢上。曰。是吾祖之藏。汝高祖矣。其餘遠近皆一一指告焉。旣而踰石屋。經煙霞入翁家山。裏塢峯。勢林列有石。左右環如椅。名太史石。迤東一穴。勢稍偃。曰三世祖之藏。南上石巔。高出未山而丑向者。汝曾祖之

藏也。左肩土穴。酉而卯者。汝祖藏汝祖妣於此。以待合窆者也。歲久。恐不可復啓矣。其餘遠近。又各一一指告焉。佑皆敬聽而識之。至於今。不敢忘。又嘗聞之我高祖妣。享壽垂九十而歿。同族會殯葬者百餘人。越十年。曾祖妣之喪。裁半之。我曾祖贈公。修明祭掃規約。春秋嘗百餘人。逮歿不及半。我祖考大夫歿。不能半之半。而城北之族。予舊見其房脊繁庶。較盛吾城內。今數十年來。亦漸以零落。其能舉始祖墓祭者。惟吾家數人而已。蓋廢絕之多。而消乏之易如此。嗚呼。此則我顯妣太夫人寶體先誠。常以勗佑。異日愼毋因循苟且。乎其間者。其又何能不卹卹乎。兢兢乎也。齒行老矣。

不及今詮次見聞恐後之訛墜且益甚故謹述而序之其中體例  
之未立事蹟之不備良不免於草率缺略尙未足言譜然而附會  
矜夸以爲文則斷斷無取非但宋裔所不敢冒也并清獻亦世遠  
言湮第可存其意而專紀吾近使我後人讀之懲廢絕之多消乏  
之易而思其所以懼仰惟我高曾祖考庇廕之獨長與佑之幸得  
叨竊以至于今而思其所以勸油然而尊祖敬宗收族之道以益  
縣積累迪光大則今之略所以啓後之詳者無窮嗚呼慎諸  
諄然仁義之思惕然待守之志可謂文章爾雅訓詞深厚

○羅旭莊先生六十壽序

壽之有文○蓋取稱說其人生平之善於其人之前○而因期之以其  
所未至○相與侑觴而爲樂○雖然○而旣爲其人生平之善矣○夫甯不  
習知之○而待從傍之稱說○又其所謂未至者○大都人世不可必致  
之事○是爲夸毘而已矣○今之壽羅旭莊先生○則在乎樂道先生之  
善○以正告天下之人○因先生之所已至○以期天下人之所未至○而  
因以期先生之所未至○蓋先生之志固將胥天下之人而躋之乎  
壽之域者也○先生之才又足使天下之人咸躋之乎壽○而其端先  
見於爲德安爲德安之善○不勝書○而其大莫如賑民旱饑一事○  
手○摘○元○

先生之將出守也。走嘗從容間請曰。先生由翰林折而御史。由御史建言折而刑曹。今且由京職出而外吏。方之前人。其亦有卹然於中者耶。先生則正答曰。是胡然。托諸空言。不如見諸實事。苟利於物。吾將盡吾所得爲焉。走時深敬乎其言。已而至德安。不數年。政通人和。楚之人來京師者。未嘗不道先生之率屬正惠士民仁也已。而郡告旱。自五月至七月。環一州四縣。延及乎他郡。勘成灾。法宜賑兩月。當是時。王師方有事蜀徼外。調撥楚兵及餉道相望。議者或曰。費不貲矣。盍少慎。先生獨馳啓制府。轅反復力陳賑不可緩。不可減狀。

聖天子精誠保赤○惟恐不獲○遇荒政○嘗不惜數百萬金○必無勤違○而泄邇之理○萬一民有他勞費○且益大○誰執其咎○由是竟得請應○賑之人○或鼓腹而嬉○曰太守生我○民生以肥○而太守旋瘠○以病矣○時甲午之秋○先生五十八歲事也○先是先生嘗夢若神語之曰○壽至五十有八○至是果病人危之已而愈○又兩年會舉計典○制府獨重先生○以卓異薦○十月來○朝適當六十初度○凡習與先生交者○見先生貌癯而神王○莫不爲先生慶○而先生亦自樂其歲月之寬也○○切○發○揮○今夫人孰不樂生而尊壽○然而往往奪於數者○其生之理本隘也○○扼○定○此○理○暢○吾知謀吾生而視人之生○非吾與此○在庸夫賤豎則然○躬爲民

牧○操○得○爲○之○柄○目○擊○斯○人○之○阤○於○危○亡○而○徒○遠○循○瞻○顧○多○方○以○飾○  
其○可○見○之○情○其○不○人○非○而○鬼○責○者○鮮○矣○先○生○以○精○明○強○固○之○才○能○  
行○其○疇○昔○之○言○夫○惟○生○理○益○然○於○中○而○不○可○已○人○方○賴○先○生○以○生○  
天○之○於○先○生○安○得○不○爲○斯○人○而○壽○故○夫○先○生○之○壽○先○生○之○善○自○爲○  
之○也○先○生○之○善○祇○自○盡○其○所○得○爲○非○求○異○夫○天○下○之○人○假○使○天○下○  
之○人○皆○求○盡○其○得○爲○則○天○下○可○以○無○困○民○不○必○屑○屑○言○賑○而○咸○躋○  
乎○壽○之○域○又○善○之○大○而○先○生○之○志○已○今○先○生○既○邀○  
顯○用○則○所○以○成○先○生○之○才○與○志○者○將○益○大○吾○謂○無○異○也○無○亦○惟○是○  
率○其○得○爲○之○常○以○擴○而○充○之○至○於○無○窮○天○下○之○所○期○乎○先○生○先○生○

○期○先○生○所○未○至○

○恩○賜○級○佇○膺○  
○應○上○

之○所○期○乎○天○下○之○人○舉○如○是○可○矣○如○是○而○壽○壽○乃○不○忝○雖○蹇○劣○如○走○者○亦○竊○幸○向○之○奉○教○于○先○生○爲○不○負○願○與○天○下○共○信○之○而○不○至○以○夸○毘○同○笑○譏○也○夫○

只就一事抒寫盡去陳言不雜別意此之謂善頌善禱



旌節程母八十壽序

德○莫○難○於○節○福○莫○大○於○壽○二○者○恆○相○因○蒲○荷○粲○然○而○雕○也○忽○焉○松○  
柏○貫○四○時○而○不○改○柯○易○葉○由○其○節○知○其○壽○也○婦○道○之○以○節○見○者○其○  
心○苦○其○氣○毅○其○神○澹○以○完○苦○故○慮○深○毅○故○力○定○澹○不○外○散○完○不○內○  
竭○人○矜○其○不○幸○而○出○於○節○也○以○爲○得○天○薄○吾○獨○歎○其○爲○得○天○全○全○  
此○身○之○天○以○補○所○天○之○天○使○化○有○終○生○有○遂○絕○而○續○微○而○彰○歷○乎○  
至○難○以○操○其○可○大○由○其○難○恆○倍○於○烈○烈○之○難○在○死○節○之○難○在○不○死○  
及○其○大○恆○倍○於○富○貴○富○貴○不○皆○壽○而○節○無○不○壽○蓋○皆○其○人○之○自○爲○  
之○也○而○天○權○焉○天○之○於○人○無○不○報○之○理○於○節○母○尤○無○不○報○之○理○其○

報之也有遲速多寡之不同要於理則一而已矣。佑生五歲而孤。先慈潘太淑人備嘗辛苦。教育成立。方十七八時。與里社諸子文藝往來。則有若程君升元。亦以孤貧力學。克承寡母里中稱節孝者。每先程母云。母出奚氏州司馬丹六公女。諸生程瑤圃先生之配也。結褵甫二載。而先生歿。母時年二十四。一子生兩月耳。卽升元也。上有垂白之翁嫜。下畜未可知之穉穉。死之不可忍。而圖存。風雨不以時至。日月皆在晦塞。斯其艱難萬狀。何論富貴抑豈足與尋常居室之倫。較生趣短長哉。人第知升元長而能讀書敦行。出動公卿入娛甘旨。以是爲母幸。庸詎知其由能食能言以逮旣。

冠受室一皆母十指所爬羅血淚之所凝結雖孝子有時不能省記而每念心恻者也佑之與程君南北睽違久矣憶歲戊子歸營先築則君亦以近客歸始相晤於柳翠橋次重展登堂之拜仰瞻門坊堂前錦軸爛如爲咨歎不置蓋母壽已七十君齒稍長於余亦四十有七矣顧獨頻顛以未有孫佑日子慎蔚烏有天既許母祚而孤且錫之壽而不昌爾嗣者越今又十年而母壽且八十君書告余果以去年夏舉男晬盤之後一月爲大母設悅辰而後歎母之得天與天之報母節者信若是其不可知而可知也夫以母之節與升元之能成母節然且連試不得志僅筆耕以養又如是

之年而始見雛孫不可謂報之不遲以寡然試由今以溯前十年（須○無○不○足○）不既多乎又溯之數十年前不多且倍之乎而皆母之能自得天以及斯也佑因益歎以先淑人之節之迪佑於成幸得從大夫後奉微稱以壽考吾母君往蓋嘗私賺余由今視之君齒加長余而母壽方未艾盈盈華髮有斑其衣酌彼康爵曰駐春暉左顧而咳爾類有僕引之翼之胡金玉之不足故夫至樂非外（結○最○有○力○）積必流無訕不伸吾固信天之福母必將益有以大之夫其始能爲難乃其後之所以造大也

精神凝結之文予讀之泫泫淚下○吾母明年八十似可卽錄

此以光屏帳

。游懷玉山記

江右多名山水。其一日懷玉山。予以歲乙亥。徇玉山諸生請。往主懷玉書院講席。夏因事至南昌。舟中有望靈山瀑布鵝湖山鄱陽湖諸作。時同年葉君藩宰南康之建昌。招余涉修江。畱其署三日。建昌距廬阜爲近。惜未得往以歸。故於登滕王閣云。此來補得昌黎缺。只是匡廬欠勝遊紀實也。既歸懷玉。講課之暇。偕從弟傳諸生數人。往來游息於煙巒霧谷之間。攬勝增懷。數月忘倦。已而還里。明年還京師。而嚮之登臨閒遠。邈然目想矣。乃追作游懷玉山記。

懷玉山在廣信府玉山縣治西北百二十里志稱高與天際去地  
四百餘丈周廣三百餘里界數郡爲望鎮云由縣城入山必踰南  
嶺嶺距山六十里高亦百餘丈踰嶺正北望一峯巍然出雲上若  
不可到是卽山之主峯曰玉瑯者也山南下曰童家坊土田秀美  
邨落甚盛余往返四度皆經宿於此有朱文公所題八景梅溪清  
微可鑑舊有亭二曰青山綠樹曰源頭活水皆朱子題今廢依山  
麓曰梅巖宋末處士王斗山奔築精舍建草堂書院處石刻斗山  
二字尙存循巖北上爲關門遙望瑯峯懸瀑隱然匹練山徑始峻  
折而下溪聲潺潺奔激壑壑間卽玉瑯溪自其峯出下與梅溪合

南流至縣西郭。冰溪之水自南來。會之趨河口。入大江者也。少半  
爲排牙亭。有嶺達德興界。勢稍偃。梅阮之水所出。由亭迤而右。簪  
篲叢密。絕壁插出如障。急流穿石罅。箭而下爲潭。深不可測。距潭  
東上可數里。則抵瑯峯之足。曰大洋阮。受瀑布之瀦。其中多老魚。  
仙淙韻玉。文篠縈青。四圍壽簾古木。綠崖翳霄。有洞絕幽邃。非然  
脂不入口。舍而西旋。所在怪石嶙峋。屏連髻疊。千形萬態。殆不可  
以殫狀也。再上爲雲路亭。度石梁。溪西之水自梁山側注而東。行  
數十步。有飛泉自頂落。類瀑布。峯左右作二拒。泉趵突而上下。兩  
後睇之。過傾珠舞雪矣。從此而上。山益深。路益紆。瑯峯則隱不可



見入風門。陡絕滑不可連步。踞其脊平視遠近諸山。則已眉分掌列。矯然乘太虛而俯萬象也。將及巔。復抑而下。已復升如厯螺殼中。蜿蜒摺疊。裁數武而轉曰七蟠嶺。蓋自山之足以迄此幾三十里。許夫而後始達於其頂。頂忽平曠。奧衍其外。爲闕門。明人詩謂身飛直入天寨門者是也。內曰倉基坪。明人建倉儲之所。又內曰大洋坂。有田可百頃。邨百家。豁然成廣區。畦分塍接。所在繡錯。溪流縈之。溝洫之利。不勞力而具。疊谷隱隆。羣峯環翠。陽開陰抱。風氣包絡乎其間。其上建書院。宋楊文公億讀書精舍遺址。朱陸講道處。祠位存焉。舊廢爲僧寺。邑諸生畢璋。朱世榮之所營復也。本

末具予懷玉書院記中院北枕金光峯之麓修竹萬竿一碧下土  
玉瑯正面其南二峯對踞一戴土石高略相埒而玉瑯特聳翠直  
外故觀者遠道卽以爲奇金光則仰視一土峯及登之而後覩其  
玲瓏盤錯無數小石峯皆伏其背宛然靈鷲一角矣玉瑯極危削  
不易上山中之雲自龍潭奔騰來及其腰則諸峯皆已失每霧雨  
霽頂獨先見吾弟嘗與諸生試一躋之反云頂上平正可容十許  
人坐臥投石下方玉聲琤琤然良久乃已泉瀾瀾然出以達于峯  
之半聲若雷鼓而下者瀑布之上源也遠望數百里一方晶晶蕩  
蕩不可端倪者或云此鄱陽湖也峯西曰柏板峯下曰龜塘元進

士鄭伯飛闢芳潤堂。攬輝樓於此。今廢。石刻漫漶不可識。迤東一  
峯特高出。如人側弁而俄者。曰唐帽峯。又一峯作繖狀。雲終日往  
來。曰雲蓋峯。傍有石屋。曰過雲洞。或說唐帽傍下更有絕壁裂壑。  
如夾巷。闊僅尺許。深不可測。每投石其中。響初振。則風習習然。急  
反步未盡。峯脚而雨。溼衣袂矣。山中人間用以救旱。蛟龍之所潛  
也。山中溪泉玉泉爲大。就其所在。屬沸源流。易見者。記二焉。一出  
此下寫溪金光西。天門銀尖二峯之交。盎然浮石縫。逕梅花塢。南合龜塘水。  
趨而東。一出金光東麓。西流繞書院。南至金鷄墩。東逕小懷玉口。  
山勢稍迴。林交竹掩。略約斜通。茅簷低互。若又一邨者。故山別茲。

名矣。雙溪至此匯爲一。始壯盛。霽然有聲。迥出石鼓山之陽。山在雲蓋東。石皆皴色。中空履之。聲登登應。古壁鐫記。三通粉之。略可讀。則明故山長餘姚管君某所記遊。其一嘉靖某年有司禱雨文。皆縣志所未載也。流處巨石偃臥當衝。又爲高峯所約束。水激而上下。怒濤噴湧。直灌巖心。巖名靈雨。明提學太倉王宗沐勒三大字存焉。體法蒼勁。巖傍多殘壁壞砌。明人蓋通道於此。巖上生石菖蒲。搖颺葳蕤。青碧可愛。下爲深潭。潭右有一澗。自南往注之。考舊志有龍潭一十八磔。俗謂之八磔。皆坎坎相承而下。散入原田。資利甚溥。此其第一也。或說潭皆有龍。第三尤異。間歲月日候有

赤雲自波心起居者以卜農祥早投物禱之無不應者潭盡處建  
龍王廟其鄉曰衣錦鄉登山之東道也遠余未嘗至顧茲奔湍飛  
深愈喧愈寂幽石奇卉稠疊掩映盛暑憩之爽然不知煩囂之矣  
以滌退而東北旋委蛇徜徉可六七里爲蟠龍岡爲彩霧巖左眺  
三清石埒少華則懷玉二十四奇景大半可收入胷目問而遠數  
不能終者也○大抵山之德性秀外而惠中山之形勢東疏而西峻  
○此○總○易○  
山之氣候多雨而陽山之生殖宜早種而晚穫多松篁之美而  
寡荆榛之蕪雖高且大雉鹿遊焉而虎豹未能久穴也泉流所滂  
兼收葭蒲魚鮓之利鸛鷺時翔奚翅水國唐賈耽華夷圖所記疑

有未足盡其奧者。然其地居萬壑之中。自昔荒遠深翳。與人絕跡。相傳大歷間。僧志初始開茲山爲法海寺。五代時貫休嘗畫十六羅漢於寺中。曾黃州有題法海院龍溪新亭詩。卽此地也。及得朱陸迪以斯文而山靈遂大顯。方明盛時。採風之使。問奇之彥。濟勝之流。翫屐時通焉。惟是建置屢更。若斷若續。剝蝕消磨之多。故金石之存特罕。明季邑人夏浚嘗輯山志。今其本零落。惜無傳者。國初令屠世徵畱心表章。採摭粗具。予幸結山緣。旣爲書院記。別作諸雜詩一卷。題曰輝山草以補之。取歐陽子廬山高中語。用率更法作飛雪二字。又爲高山流水四大字。刻名里靈雨巖石上。輝

山者懷玉之一稱亦名玉斗龍溪新亭今失其址或云在蟠龍岡

後有志初巖焉三清少華皆玉東西山三清奇奧尤出志稱高七

補寫三清

百丈三峯如簷秀拔雲表自南嶺東卽望見之小懷玉可以取道

達其陰每忻然嚮往未之果與廬嶽之遊皆期諸異日

由望見而登山而躋頂而寫其形狀而記其流泉皆曲折如繪  
細讀一過恍如置身其間末以三清末遊作不了語尤妙

清獻堂文錄卷二

仁和趙 佑鹿泉著

後學上高李祖恂欽之評點

高安高師詡幼龍校刊

○書趙世家後

讀史記趙世家竟慨然作曰甚哉傳聞之惑人也。春秋無屠岸賈滅趙事。而太史公娓娓言之。其稱程嬰公孫杵臼義甚高。以余考諸內外傳。乃事之所必無者。王伯厚嘗據孔氏正義及呂成公說以明其誤。然特以理斷之。正義曰。晉君明諸臣強不容有屠岸賈。輒則其問如此專恣。而於當日事實猶未盡也。按傳晉趙嬰通於趙莊姬。原屏放諸齊。嬰曰我



在故樂氏不作我亡吾二昆其憂哉此景公十四年事在魯成公  
 五年至成八年經書晉殺其大夫趙同趙括傳云趙莊姬為趙嬰  
 之亡故譖之於晉侯曰原屏將為亂樂郤為徵六月晉討趙同趙  
 括武從姬氏畜於公宮此景十七年事蓋難之作也實厲階於姬  
 成於樂郤成十七年傳韓厥曰昔吾畜於趙氏孟姬之讒吾能違  
 兵國語段規亦稱趙有孟姬之讒而襄二十三年傳趙氏以原屏  
 之難怨樂氏當日後先紀述厯厯如是不聞其一及屠岸也是時  
 誅者惟同括經傳皆不言有趙朔蓋朔已前死宣十二年趙朔將  
 下辨發

二年樂書將下  
 軍杜注代趙朔  
 嬰齊又已放外豈得四人並誅而成十三年傳猶

稱趙旃將新軍趙族何嘗盡滅且使其事爲討靈公之賊則旃正  
趙穿子恐亦不應獨免也武從姬氏畜於公宮則是武生已久縱  
爲朔之遺腹亦非生於同括既誅之後况國語趙文子冠見欒武  
子諸人其時三卻猶在三卻之滅事在成十七年去同括事纔十  
一年則武之冠去被難時至多亦不過十年安得有程嬰與俱匿  
山中居十五年始出之事哉冠而見諸大夫則是時武早立矣立  
武事傳卽繫於討同括下蓋終言之固非卽在本年然考晉景公  
卒于成之十年卽討同括後二年其夢大厲曰殺予孫不義杜注  
厲趙氏先祖也與史記大業爲崇之文合蓋同括雖不令然死以

非○罪○或○韓○厥○因○是○時○乘○機○言○之○而○反○趙○田○與○然○史○記○乃○以○誅○趙○事○  
屬○之○景○之○三○年○則○爲○魯○宣○公○十○二○年○于○是○云○居○十○五○年○景○公○疾○乃○  
與○韓○厥○謀○立○趙○孤○又○云○趙○氏○復○位○十○一○年○而○晉○厲○公○殺○三○卻○所○敘○  
年○數○事○本○全○與○左○氏○相○悖○予○故○瑣○悉○辨○之○必○爲○所○必○無○者○不○甯○惟○  
是○卽○賈○也○嬰○也○杵○曰○也○亦○未○必○實○有○其○人○何○則○晉○作○六○軍○其○將○皆○  
卿○也○賈○既○位○司○寇○且○能○擅○兵○權○役○諸○將○如○此○豈○翳○無○一○軍○之○任○而○  
傳○自○晉○文○襄○以○下○諸○卿○之○先○後○嬪○爲○執○政○佐○軍○者○名○族○皆○班○班○可○  
考○甯○獨○遺○賈○晉○世○家○亦○不○言○賈○其○爲○趙○世○家○之○漫○記○異○聞○明○甚○賈○  
既○不○的○嬰○曰○益○無○足○言○而○唐○時○猶○有○河○東○趙○氏○於○先○人○祠○別○舒○一○

座祭二士。至今傳奇家。彌滋悠繆。故曰事之徵信。史不若傳。傳不若經。義門何氏曰。程嬰公孫杵臼之事。最不足據。特戰國任俠好奇者爲之。非其實也。

據左氏內外傳以駁史記詳確之至。筆亦峭勁入古。

書聖兄墓碑後

闕里啓聖林之左聖兄墓祠焉。猶泗水侯之從至聖林也。其碑題

村撰已極人竟習焉不察何也

曰聖兄伯尼之墓。款識自明以來舊矣。壬寅六月佑恭謁林下。瞻仰。裴哀私於四氏教官孔廣彬曰。是有考乎。聖兄見論語而名字無正傳。嘗聞其爲孟皮矣。未聞其伯尼也。古禮適喪稱伯。庶幾稱孟。昔者聖父蓋未有正嫡。而庶先生子。故稱孟焉。及聖母禱於尼山。生夫子。故諱曰某。字曰仲尼。所以志也。尼固吾夫子所獨也。安得兄亦同之。而又繫之以伯。其別有考乎。時則今七十二代衍聖公方爲世子。蹙然曰。當謀所以易之。未敢遽也。越兩年。旣襲爵。會

有所修舉。以咨於佑。謹按林碑體例。自泗水侯暨諸賢。皆書號。不  
字。爲敬書曰。聖兄之墓。傍署重立歲月。而微末銜名。並得贅附。其  
間幸矣哉。旣乃就碑摹而紀其略。備異日續文獻一徵焉。  
落落數語。大義凜然。

○書書永清張乞人事後

嘉善周震榮宰永清嘗書張乞人事張乞人永清縣南門外貧人也父歿行乞養母止無廬舍穴土爲居會天大雪知縣魏繼齊過其處聞歌聲出地中怪之左右曰張乞人也呼出問之答曰今日我母生辰歌以勸養耳命車載其母子至官廨繼齊母餽其母大布及粟繼齊餽乞人錢十緡乞人叩頭曰官母賜我母不敢不受官賜我不敢受繼齊曰與其殘杯冷炙日夕治門也答曰殘杯冷炙我母安之久矣且無所汗也我愚民不知此十緡官何所受之我母年八十我年六十有一爲官清白百姓足矣繼齊慚汗下

不復強授焉。爲營室於城內金花巷。將命居之。乞人負其母去。不○見○前○吾○知其爲○火門○市○辛無、疑○矣知所終於是。仁和老友趙佑讀而爲書其後云。

乞而孝難已。乞丐廉尤難觀。張乞人之受官母賜。不受官賜其眞。視萬鍾猶噉蹴哉。惟孝故能廉。不廉不成其爲孝也。雖然乞人以乞養母官。以官養母。官母之賜乞母。何莫非官之有所受以安其母。乞人特推其安母之心。以重官母。亦善爲官地也。官盍徐省其○人○于○險○向所受之果克安母母之安之亦如乞母乎。則無獨爲乞人難也。則猶幸此一官之知慚也。

奇事奇文



書張蔭堂治行本末續張府君傳後

讀武功張誠齋府君行狀暨墓表至其臨終戒子之言曰爾弗薄  
○二○十○字○語○淺○意○深○無○所○不○括○民當如吾弗薄爾使民不薄爾始見爾不薄吾旨哉何其重以周  
○陳○言○也世之稱民父母者知推已慈子之心以及於民未必知推其親  
慈已之心以及於民知慈之宜推而不知卽孝之所以全也夫民  
也以薄施則亦以薄報上下交相薄則交相賊禍且百端而有不  
及于其親以傷其慈者乎則反是而不有及于其親以完其孝者  
乎府君言真格言而令子蔭堂君能成之殆慈與孝兩無憾者矣  
予與府君蔭堂君初不相識歲辛丑十二月予奉命視學山東

則蔭堂由清平宰移嶧縣。已歷年所。是時東省歲歉頻。又鄰河患。徵發時作。窮民無知。或相撓抗。而諸生往往連厯其中。甚乃陷首。旣議者咸以士習壞。予旣嚴檄諭誠之。所至咨察。恐後始接見蔭堂。則獨掀髯言曰。民未有無故爲抗者也。况士乎。民吾子也。士吾子之才者也。胥役則僕豎倫也。父母之愛眾子。常不如其愛才子。其愛僕婢。又不如愛其子。必也子之事父母。而無敢輕訶撻其側之人。以抗父母。必也。然而僕豎朝夕給事吾側。而子恆疏子。或將藉以達情於吾。而不得吾。又未必事事宜吾子。輒信所不可信。以病吾子。謂吾子皆不才。獨僕豎才。甯有是乎。玉樹以爲子。無不可。

教在不使其與吾疎而有以得其情不使僕豎得中之而已他日  
又曰玉之親吾民由士始若成人若小子擇其才而時進之居之  
以善地導之以正業動之以可喜馴之以不苛因以勸其餘未見  
民之有異情也予敬德而亟稱之既而校量案牘之數嶧獨希越  
甲辰車駕東南巡四月旋蹕自南予與省垣諸公皆至嶧祇候  
迎送時遠近被旱久二麥且不登獨嶧百里間橋梁道路無不整  
古蹟若荀況祠以下無不舉男女包黍飯往來城鄉者趾相接也  
詰之皆曰吾父母之食吾也自正月於茲矣諸公既嘉設法之豫  
而怪其不以聞君則曰待請晚矣且分內事又幸眾力足辦可無

聞也。于是益相與歎異，不置。而君且以失察逃犯，呈議期六月，當罷職。會膠州牧缺，撫軍爲力請於上，竟以授君。順輿望，昭公道也。去嶧之日，士民涕泣遮道，以萬數。有徒而從之膠者，膠之人則又有聞而匿之他者。膠視嶧尤繁庶，賈麀商舶之所湊，利藪甲二東。君至，無所妄取，與治之。一如在嶧時。明年，檄署濟寧直隸州。裁數月，而卻陋規，平物賈，理積訟，民以稱便。比去，亦如去嶧時。又明年，嶧大饑，司救者不如法，民盼盼益思前父母，乃復檄君攝賑事。又補一節然後安。君之初至膠也，諸生趙節者，篤行通經，工詩文，王夏亦工詩，皆年踰四十，遇蹇而貧。予始識拔焉。節居距州六十里，君特造

訪之節以憂謝不可竟白衣冠見爲之開設義學延以師禮其他  
激厲裁抑無不備至膠之文學由是日蒸蒸矣是皆余在東五年  
所目擊而耳熟者君洵可謂不薄其民民亦洵不薄君顧獨不識  
君之皆自不薄其親推之及得讀君所爲尊府君狀今韓城相國  
所爲表而後悉君本末惟誠齋府君之教孝以爲慈而蔭堂之體  
慈以成孝也夫府君以經生老而卒能教其子以及於民君所爲  
成其親志以及民者知必不獨區區一州邑間府君生平學行自  
表狀外又有傳有記表章綦備吾獨歎夫世之爭相爲薄而不知  
薄於民之卽爲薄於親也又歎蔭堂君之曰周旋於薄中而幸以

完其所不薄也。不厭縷書之以附府君傳後。畱爲他日光撫軍明  
興公。今刑部侍郎。同時方伯爲陸公燿。終湖南巡撫。臬使爲馮公  
晉祚。於戲。其可以觀矣乎。

讀蔭堂掀髯而言一段。眞所謂何處得此長者言也。文亦極變  
化有法度。

○○答問原道

或問唐宋文醇一書用茅氏儲氏本而加之闡發考證可謂千古  
文章之定衡矣。顧韓文獨闕原道篇。韓文諸家之冠冕也。原道又  
韓文之冠冕也。去之而不著其何以去。非末學所敢測。得非因朱  
子譏其博愛之謂仁。不言心之德。引大學獨遺格物。然歟。曰非也。  
蓋觀孔孟言仁皆曰愛人。安見博愛之有偏。古人引經斷章多有  
竄益滅損。安見偶脫一句不可。固未足援爲疵議矣。予竊略問諸  
先達。殆以篇末數語不免儒生之見。可託諸空談而不可見諸實  
事者也。蓋鰥寡孤獨廢疾之養。自堯舜三代以來皆有之。初非以

爲牢籠天下。要結人心之具。是時教歸於一。未聞其人其書其居  
之雜出爲害。而卒不能使無一夫之不獲。故曰博施濟眾。堯舜猶  
病亦足見聖人之心之無窮。而治理之大非可責效于一二端。一  
二日間矣。後世王道衰。異端起。由其人性情識趣各不相師。殆亦  
見夫泯泯棼棼。攻取相尋。而不可以救止。始以其視軒冕如泥塗。  
同人道於牛馬者。託物外之遊。而爲洗洋恣肆之說。意原主乎適  
已。非必期天下之人之率而從我也。夫惟孔子之道若前知隱怪  
之必有述於後。而顯示之以弗爲靜鎮之以不語。孟子不得已而  
有楊墨之辨。猶曰歸斯受之。所以爲吾道閑者如此而已矣。奈何

以孔孟作案

其本意原不相礙



變遷日甚。緣飾上古。假借荒遐。實厭事而逃虛空。復貪生而營修。煉彌侈願。而誇濟度。慈悲不二。猶是襲儒者之餘。如是我聞。何嘗得考信之實。然且人主至爲捨身。公卿樂從說法。尊其人。則曰師。曰祖。曰真人。上人寶其書。則曰真經。曰內典。大其居。則樓觀之崇。象設之嚴。田園之供給。居然與古帝王聖賢大功德者比。隆而有過之。布滿於城郭。邨墟。名山大谷之間。以奔走天下之人。糜金錢而不惜。歷險遠而無悔。蓋風會習尚之趨。人心之錮匪今斯今。良有莫知其然。莫究其極者也。夫勢積重則難返。物過舉則必傷。故夫封建井田之不可復爲。其跡之久湮也。佛老之教之不能革爲。

其俗之已成也。是姑無論唐之時。方且帝元元求三藏鑄金人。憲

○孟作鄭

宗至于迎朽骨而奉之。宜乎韓子之言。徒見其觸背也。藉使一日

者。孔孟復作于上。大展其幹濟之力。採斯言而用之。將欲人其人。則將禁其人之出家。導其人以還俗。官爲之正其嫁娶。給其居食。乎官必有所不勝也。聽其人自爲之乎。堪者十幾何。不能堪者常八九。是適驅而之盜生而致死也。將欲火其書。則必大搜索。誅晦藏。比秦人之律。多善良之刑。將欲廬其居。則在城市者。猶易轉移也。其在深巖絕壑。人事不便之區。毀之則棄。成材畱之。適以供異類之窟聚。亦利少而害多矣。曾聖明圖治而忍出此。且夫古之爲

民者四○今之爲民者六○二氏之眾○亦生民之一耳○非能遊夫方之  
外也○以視擅創名目○私結徒黨○悍然而梗○王化者邪○正懸矣○惟是  
藉修持之名○叨布施之惠○其高者體元葆素○未嘗廢詩書拙者挑  
水打鐘○亦以貶勝情○不盡出於鰥寡孤獨廢疾之人○而猶足以資  
鰥寡孤獨廢疾之養○其書一死生○齊物○我不必繩以六經也○其居  
之寬閒寂寞○爲登臨游息所不遺也○君子觀於夫婦之愚○罕識名  
義而尚畏鬼神○知懺悔可以驗善端之存○助教化所不及焉○則惟  
有順吾○以人治人之道○重之綱紀○申其戒令○而因以謹乎其餘可  
矣○倭之非吾事○關之亦不切也○烏有易民而理○徒形格勢禁之爲

本以靖民而反滋之擾哉。夫君子言之必可行。憑一家之私見。放言高論。無取也。故雖以原道之洋洋大篇。而御選去之。去之而不明指其故意。以全文具在。使知人論世者深思而自得之。非特示立言之鵠。而治天下之鑒具其中矣。

開千古未開之口。發一時未發之覆。其文悍矯奔放。亦從韓出。此文下士見之。必大駭。而先生則實非佞佛者也。此其故可細參之。

。文林郎楊學山先生墓表

先生姓楊氏諱敦字念齋學山其晚號也世爲陝西榆林府府谷縣人自曾祖而上皆庠生祖禹喬考端本三水訓導贈皆如先生官妣皆孺人先生生于康熙四十五年丙戌少有異稟五歲始能言隨訓導公授經家塾過目成誦聞與諸生行說大義雖老宿弗能難然性謹厚未嘗事口給及長益勤問學務於設誠致行而不求文飾以是終其身年十七補弟子員雍正乙卯拔貢入太學當就職以母病不赴服闋舉乾隆甲子順天鄉試乙丑成進士補宗人府左學教習期滿授知縣得浙江之新城杭郡西南小邑也莅

通公稿公此句

事者十有二年以疾告歸。歸一年卒於里。實乾隆二十七年壬午四月十九日也。春秋五十有七。世之所謂用縣令起家者。盛衣服。飾輿馬。賓客僕從相闐湊。甫下車。呼吏問倉穀出入幾何。備公幾何稅若干。額富賈若干。戶吾民休戚弗及也。徒欲苟且得當。以給上官之求。奔走之需。夫如是不三年。遲亦四五年。簡者可調之繁。卑者可升之高。上下號曰能吏。吏可爲鮮。不以此先生之爲人。澹泊寧靜。平居一取與必權之於義。及爲新城。書四知於座右。及呂叔簡刑戒八章。以自刻厲。邑故僻簡。民貧糧戶多疲玩。前令至下鄉躬自催徵。官勞而民擾。先生首罷之。俗沿陋規。自鹽商茶

賈而下。所在革未盡。其歲時土物之供。名曰薦新。皆亟絕之。邑中  
人文稱儉。爲卜建文昌閣於城之黃山。招諸生講課。如任教習時。  
城河久淤。則捐廉俸督堰。畏以時修濬。溉附郭田。歲饑平糶。外復  
捐俸倡紳士。量助賑救。民賴以濟。其他簿書期會。事事稟諸律令。  
以樸直行之。凡上官所使令。必竭誠蒞事。以報將。謂有所逢迎於  
其間。則介然勿敢安也。如是在新城十有二年。昔漢章帝詔。安靜  
之吏。惴惴無華。先生嘗有味其言曰。此吾儒本色也。以故終十二  
年。無能名。從未求一調。邀一薦。目擊諸同列之後。先騰蹕而上者。  
若不相及。諸上官往來更置。何啻數輩。有賢先生者。有嫌且忌之。

者其嫌且忌○求以事中之去而卒不可得久之亦知賢之然雖賢○  
之意弗屬也○于是雖欲不十有二年於新邑○不可得矣○然而新之○  
人則深以爲福○自庚午春先生始莅任○及移疾歸○囊蕭然父老相○  
與持酒果攀輿而送者○道爲之塞○皆曰○失吾父母○乃相謀樹額於○  
城隍廟之東廡○以當甘棠○云○先生於文崇尙清錄○深惡俳麗之習○  
如其爲人○凡六充鄉試同考官○得士合三十有三○皆出苦心校閱○  
歲庚辰八月○遂得疾於闈中○其歸卒也○京師浙士大夫咸以先生○  
有古良吏風○獨未竟其用爲可惜○元配劉孺人○繼蘇孺人○有子一○  
人○廷權○女三人○長適山西保德州監生徐守現○次適同邑庠生王○



鍾孫一人毓江於是癸未秋八月廷權卜吉葬先生於府谷城西  
十里沙峁之原而門下士仁和趙佑爲之表

此公眞循吏文亦刻意發揮無一冗句剩字

國朝文獻  
卷之四  
七  
○○朝議大夫廣西柳州府知府楊府君墓誌銘

君姓楊氏諱愚字大智號北峯山西太原府興縣人先世由陝之  
神木遷焉祖玉鼎考如震皆以君貴累贈奉政大夫例晉朝議大  
夫祖妣李氏母崔皆宜人例晉恭人配康氏處士庸炳女例封恭  
人兄明修職郎弟潯山東泰安通判君學有體用年十八補弟子  
員以書經舉乾隆戊午鄉試己未成進士歸十年謁選初授福建  
詔安知縣調繁侯官縣署南臺同知卓異擢廈門同知調淡水同  
知丁外艱服闋仍赴閩署建寧同知補漳州兼攝南平縣代守建  
寧漳州汀州興化四府再調南臺兼攝侯官平和二縣龍巖州再

先將履歷揭過

舉卓異升知廣西柳州府以卒年五十有七君先後在閩二十餘  
年及爲柳州僅半載故宦績莫著於閩性好約不肯苟取與言呐  
呐如不出口及遇事敢任應對上司必竭誠無所瞻徇所遇諸大  
吏非一輩皆能重君以劇任相埒遺有所薦舉必以首推閩之人  
始而畏其嚴繼而服其明終而戴其慈去之日攀輿而送者道路  
爲之塞聞其死而悼歎者比比也嗚呼其必有道以致之非夫以  
利結以色取者矣跡君經辦地方庶務無慮數千百件皆卓卓在  
人口耳不可悉志志其大者當漳州逆匪蔡榮祖事發郡馳檄詔  
安云嘯聚俱在林胡山中詔西北境上山也素險塞稱盜藪僉議

調兵往剿。君奮然曰：主一縣不能保，地方無事，尙敢臨事姑待乎？且多人適闕，吾民債公事耳。卽輕騎往，從者裁數人，至則寥寥百十家，迹其謀狀，無有。俄百總趨來問，恚曰：某將卒五十人駐此，反則某反耳，何傳之謬也？自君來三年，闔境草竊無所宿窟，有此乃引還，則報其遊擊領紅花埠兵至矣。卒共白制府，旣而坐黨逆死者，環漳六邑皆與焉。詔獨免制府，由是重君。踰年，復有流言烏山反者，證其誣如之。南臺有桔園洲，貢生某與林姓爭田，不勝，賄營弁捏報林不軌事。制府已遣逮百許人，以屬君。君勘知冤，卽盡釋之。而馳詣轅門謝，反覆陳事，釁始末，並所勘狀，竟霽制府顏，抵誣。

者罪其他治獄明決類此在侯官平反特多往往疑難積案人所  
聘昭而不敢承者無不應手就理不縱不濫所捕獲則南臺有張  
與數十人廈門則林天厚十餘人漳州則黃薦兄弟九人皆豪猾  
巨盜人或爲君賀輒蹙然變乎色從不以爲己功廈門爲洋艘隘  
口出入餽必豐上司挾以採辦洋貨相習成故事君與商民約勒  
石禁絕其稅例曰打運錢一無所私越八載君方攝南平會廈門  
洋行陋規事發使者出按君獨免吏議焉出○色○寫○法○尙書裘文達公語人曰  
吾此行識二君子不虛矣其一謂廉訪朱公珪今晉藩云淡水生  
番橫往往襲擊內地人斫其首以去白晝焚掠如戲而熟番復冒

捕獲用類殺

托爲奸屢創不止時楊應琚爲總督以委君君條陳十二事宜皆見施行如定立疆界禁游民不得偷越番境佔墾田畝以清釁端令熟番各薙髮畱髮以示區別移駐都司營於艍舡渡增設汎樓令民得家置竹槍木棍以資捍禦給守隘諸番口糧以均賞罰至于今帖然若夫懲溺女之俗裁嫁娶之禮置省會北郊義塚築洪塘禁闖棍毀淫祠葺諸儒祠立練氏夫人廟新鷺島書院庀救火具驛舍城垣有廢必舉所至皆然凡君所爲在君祇以求稱其職而已爲人所難能君常歎曰作吏當於人不知處與民相安於無事卽民受福多矣愧予之未能也故能政通人和上下翕如莫不

期之以公輔。而徐觀其未竟。其遷柳州也。閩人以爲望。粵人以爲慶。時君方病下痢。猶力疾視事。掃清積牘。竟至不起。實乾隆三十八年癸巳五月也。惜哉。恭人有淑德。後君卒。以甲午十一月享年之數。與君同。子四人。嗣時嗣秉。嗣溥。嗣博。皆諸生。嗣博爲修職郎。君後孫六。繹。紳綬。縉。紱。續。女子一。適諸生李清葵。曾孫一。葬以四十年五月。在橋家溝村祖塋之側。奉康恭人合焉。誌取嗣秉所爲君閩粵宦略及行狀中而系之。銘曰。詩之良士。史之循吏。惟體恭儉。能行慈惠。不疚於利。不怙於勢。匪名之弋。曰義與比。方隆望實。未竟設施。天不憖遺。人尸祝之。爲李

翕頌爲孔宙碑詞章非壽明德不衰。

史法森嚴故繁而不冗



光祿大夫工部尚書贈太子太保諡恭定閻公墓志銘

粵乾隆四十年乙未冬十有二月惟丙午臘司空昌樂閻公以疾

薨於位遺疏奏聞奉

從卹典敘起

上諭工部尚書閻循琦老成鍊達宣力有

年。游歷正卿。正資倚任。前以染病。嚙噎。特頒內府藥餌。令其加意

調攝。冀得速痊。茲聞溘逝。深爲軫惜。著加恩晉贈太子太保。並派

散秩大臣一員。帶同侍衛十員。前往奠醊。所有應得卹典。仍著該

部察例具奏。于是禮臣覆准。加祭一壇。給全葬銀五百兩。仍予諡

內閣按諡法。以敬事供上曰恭。純行不爽曰定。公其有焉。得

旨報依。初公疾作。以五月時方奉五城監糶之命。往來廐署。未

嘗言瘁九月。上自木蘭還。連賜服伍食九。既少間矣。公體素強。毅勤於政事。嘗言一日不詣公。此心似有缺欠。處遇奏事必先赴與僚佐諮議。必盡所言。其於晨夕起居。殊不自矜嗇也。已而疾劇。屢蒙召見。問慰。距卒前旬日。猶蒙異數。賜紫禁城內騎馬。蓋上之優禮大臣有加無已。而公所以終始承恩榮哀畢備者可謂極人臣難得之遭矣。公以世宦名家。子此段敘寫自曾祖考諭德公逮公四世進士。三入翰林。公之兄弟羣從。或班京職。或任外吏。皆有文譽。公貴至一品。而門閥益以光大。朝野之望翕然以公長才克稱大用。公則夙夜兢兢。惟恐不及。蓋自少隨父任。十餘年。官曹司廿

餘年習教豫而更事深。有以裕其敏果之才。廉謹之節。詳審而非  
如此才見異品瑣屑謙退而非詭隨。易直而非鹵莽。以此敷歷臺省。洊膺隆遇。公  
之爲工部。自乙丑散館。始改主事。部例稱繁。主內外工程稽覈。或  
時與匠作處酌體式。校資費。非其素練而持之以正。鮮不爲吏所  
蒙。公惟精白適心。不辭勞勩。積二十餘年。凡四司三版庫局。任幾  
徧。所與同官諸上官。無不信重。公有所察舉。必首公。上有問必  
以公對。上以是稔公能。中間擢居言路者十餘年。掌銓政直閣  
務首者一年。皆不離工部。偶以事被議。解任數日。事尋釋。仍得原  
銜留部。以迄於擢侍郎。越三年。遂領尙書。公之功名出入實與工

部相終始前尚書李公元亮公爲其屬久最相器嘗因論河道事  
剴切李起指坐曰此位終當屬君人以是歎李之明而不知公之  
精神特達惟

聖天子知人善任積之久以大其成者良非偶而致也公性爽塏

略舉一二事實之

此段

生不讀書能見其大爲文章亮拔深至如其爲人尤長於奏議每  
條一疏定一藁詳略輕重悉中機要奏對上前一無諱飾時蒙  
溫旨嘉獎嘗因知貢舉覆命蒙問嚮來諸臣皆有條奏汝獨無何  
也對曰科場條例皆歷經欽定已極詳備諸臣果實力奉行自  
足不敢毛舉一二端謬矜曉事也上頷之良久曰汝言甚是凡

事皆當如是推非獨知貢舉而已先是西山捫頭溝諸處煤窯歲久窪塞有建議別營他處者因緣爲利竇公時爲御史兼部奉派往會勘獨持不可因還覆狀別具議帖呈前相國傅文忠公公卽以呈御覽竟如公議行其議大略以舊窯產煤本旺徒以積水民人無力疏通致艱開採非竟甘廢棄詳驗地勢事宜卽別定新窯未必遂有利無害莫若許就舊窯近下處所開鑿溝隧淤去而煤暢其餘可採之地擇情形有據者以時招商官不費而民不擾云居家寬而有制從不計問生產自公之暇則手一編吟諷晚年尤好杜陵集及金嘉魚文日錄數首以課子孫交遊間不濫徵逐

有與謀焉。必竭誠以報。周急必從。厚或覘公以爲豐於藏。及終。僅給喪具而已。殯歸之日。道出城東門。門有舊義學生徒數十人。皆白衣冠。執香而送。詢之以公嘗有惠於學中。云太常少卿仁和趙佑於公爲後進。嘗從公協京畿道事。公性不喜與人談文字。而獨推許佑文。其嫡嗣學朱辱從遊於公。旣歸。將葬。奉狀來泣求爲之志銘。佑義不得辭。謹志其官階。則乾隆戊午舉人壬戌進士。選翰林院庶吉士。歷任工部營繕都水司主事。都水司員外郎。木廠監督。掌廣東道監察御史。仍兼工部行走。題掌京畿道監察御史。欽差提督兩窯廠寶源局監督總理通州坐糧廳。再補福建道監

察御史轉吏科給事中、坐轉吏科掌印給事中、特調兼吏部文選司掌印郎中、擢內閣侍讀學士、超擢工部左右侍郎、署刑部侍郎、晉工部尙書、加一級、誥授資政大夫、晉光祿大夫、恩贈太子太保、諡恭定、志其事蹟、則在都水有往江南董修洪澤湖隄、工事在錢局有營治厩宇、請加鑄卯事、在科道條陳外任、升調錢穀出納等事、爲現例所行、又議定煤窯事、分督三殿大工事、在掌選有卻選人金事、爲侍郎後、扈從木蘭二次、特命充辛卯會試知貢舉事、往西陵勘歲修工程事、往奉天審理官犯某事、尙書後有主考景山教習事、病中猶有奉命覆理東光獄事、檢按銓選

事例事。皆詳慎稱。旨志其氏族。則本貫山東青州府昌樂縣里。居曰闔家河。曾祖考曰世繩。康熙丙辰翰林左春坊左諭德。祖考曰愉。康熙庚辰翰林知浙江長興縣。行取主事。考曰廷佶。雍正甲辰進士。歷官廣西賓州知府。三世皆以公貴。累遇覃恩。贈階如公官。妣曰劉太夫人。公之字曰景韓。號曰瑋庭。行第三。配吳夫人。渠邱宦族女。有懿德。公居父母喪。悉以遺產讓兄弟。獨任葬事。皆天人力贊成之。前公二十四年卒。側室魏氏胡氏子五人。長學朱。庚寅舉人。吳夫人出。次學澄。國學生。次學淳。次學璐。俱魏出。次學海。胡出。女四人。壻曰王紹琨。李於垣。陳遐齡。袁繼廣。孫三人。兆璫。



兆璵兆琚俱諸生曾孫一人準志其年則自乙未上距生于康熙四十九年庚寅七月享年六十有六其葬以乾隆四十一年十月與吳夫人合墓在營邱鎮北一里是於法宜銘銘曰  
嶽峙青水流丹何天寵維邦翰履慥慥音秩秩勞哉生歸乎逸是惟司空之宅後有作者視斯石

前幅包舉無遺後幅條列有法此真先正典型近人多不講者

季母汪太孺人七十壽紀

人○至○老○年○憶○舊○多○則○感○慨○多○老○而○幸○有○尊○親○在○前○得○以○伸○其○孺○慕○之○愛○則○且○感○且○幸○交○纏○結○而○未○有○已○此○情○之○至○也○非○文○之○所○可○飾○也○而○有○不○能○已○者○茲○爲○我○季○母○汪○太○孺○人○壽○一○發○之○作○方○五○歲○而○先○考○大○夫○見○背○實○賴○我○先○妣○太○夫○人○以○育○以○教○以○逮○成○立○辛○苦○百○端○厥○惟○我○先○仲○父○先○季○父○操○脩○恭○儉○克○輔○翼○之○以○有○今○日○而○旣○皆○永○感○矣○惟○幸○我○季○母○太○孺○人○之○獨○存○憶○佑○當○庚○申○領○鹿○鳴○歸○謁○廟○拜○母○成○禮○母○肘○兩○椅○矣○第○納○仲○父○母○季○父○母○坐○而○命○之○曰○拜○小○子○非○賢○叔○嬭○安○至○此○皆○謝○曰○幸○分○長○嫂○之○餘○也○母○泣○且○拜○曰○吾○非○賢○

叔顧安所得餘。于是交相泣相賀也。越癸酉冬。以庶常假歸爲母  
壽。禮亦如之。鄰里親串間無不見聞相稱羨者。蓋吾家累世素寒。  
非有田宅之饒。施與之博。以耀於人。獨敦勸門內庸行。則自我先  
曾祖大夫先祖考大夫暨先考大夫。雖處困乏。無稍苟佑所聞之。  
先太夫人者。甚詳。尤稔見我仲父季父手足之愛。無所不至。季父  
之事我仲父也。勞必先食。必後一賓友往來。必請命一貨財出入。  
必以告。喜或將順之。怒或徐解之。從無疾言遽色。於兄前者其奉  
我母也。均無疾言遽色。於嫂前者。仲母少我母十歲。季母又少仲  
母二十二歲。我母自仲母來歸。我仲父始謝家政。一意於教子。時

佑方六歲耳。頑癡之性。獨嚴憚仲父。嘗肆意於仲母季父前。必寬假之。記十一二時。門牆新塋。輒援筆大書其上。墨淋漓。仲父見而怒撻之。仲母以相非。母聞之曰。婦非也。獨不聞猶子義乎。吾安敢姑息及季母來歸。我季父佑已十七歲矣。則見我季母之婉婉於吾母。仲母若姑。婦然一家之中。歲時祭享之儀。男女宜稱之節。叔○表○蓋○其○道○此○尤○難○得○曰。必嫂之諮。嫂曰。惟叔之裁。仲曰。必諮於姆。季曰。必諮於兩姆。從無立異同而私作止者。由之以逮於丙子之春。佑迎母就養京師。與叔婦始分別。至則告佑曰。叔婦數日酸楚。三叔送予船上。幾不忍歸。將毋自此不相見乎。已而果然。越丁亥。佑奉慈輓歸。所得朝

夕侍者。惟仲母季母耳。其爲酸楚。可勝言哉。母嘗訓曰。兄弟一本也。妯娌異姓也。性情習尙安。必能無牴牾端。在爲丈夫者。篤念一本之愛。有以默轉移之。若乃丈夫而反轉移於婦人。宜乎其多故矣。又曰。婦道主柔。柔故能相讓。相忍。爾三人中有一稍知此。何患不可與處之。有由今思之。惟我仲父季父之德。故能成一室之和。惟吾母仲母季母之德。故能歷數十年如一日。至於以離別爲憾。長相思而不置。此本骨肉倫理之常。在古人非以爲難能而已。爲世俗所不可多得。固余所每念歎。而深恐我後生之有歉於此者也。佑自官大理得蒙 恩例。貤贈封及仲父母。尊奉 恩使至。

山東以仲母壽高恐不勝遠涉獨迎奉季母於濟南不數年仲母  
寄聲季母曰吾乃今益信猶子之義雖然吾以寂處諸子婚事宜  
亟盍暫歸乃挈八弟偁九弟備還而仲母太淑人亦旋棄養瞻望  
雲天撫懷今昔所缺然於霄臆間者良非一人一事顧獨幸高堂  
之上稱康強無恙者有季母太孺人之存而向之頑癡恃愛於諸  
父諸母側者亦已幡然稱長老於諸弟子先矣猶且駢駢原隰歷  
文○倚○落不休暫過家江依然客路感觸益非一人一事則又益幸登堂  
瞻拜得以一省慈顏如昨日庶幾前之所永感者而稍伸於今茲  
也今太孺人以四月七十壽矣夫父母之德不可得而名世俗之

爲壽言者。或以序。或以詩。多僅施之親朋。應酬而至於家庭之間。則惟以實。不以文。今佑旣遠在閩。脩又以慈命從事。寡兄不可去。左右方且深憾其一觴之不得親奉。而復何假乎文爲。反復思之。而感幸交集。實有所不能已。因變常體而略爲之記。以誌吾季父季母之德。并吾母仲父母之德。具見其中。以示羣從子姓。使兄弟妯娌之間。知所觀法。而靡不協焉。非獨太孺人顧而樂之。將迪康強於未艾。並吾先世之緒。百世延長可也。

家庭之間。如此令人感觸。欲涕文章。純是真氣。盈溢略無筆墨之痕。

書海寧祝貞女節略

嘉慶元年冬客有以海寧祝貞女節略投余乞一言者余讀而悲之既而感焉悲則悲夫祝之以名族女不及時嫁未有婦道而壻歿歿已三年而能誓不再字以歸於徐代其壻終事舅姑力營兩世葬事不得遂而終以憤恨自裁也嗚呼此則女之所以爲貞也此其貞之所以可悲也然而略之紀女事則曰徐生疾數載不婚解免而止死父母知女性烈秘不以聞女一日泣告曰徐郎死而示夢以不得入祠爲恨願往成徐郎之志否則從此絕粒矣兄弟輩百方勸慰不得乃告其姑成禮夫夢寐之事未可以徵實夢由情想生女



與徐未有婦道。何夢焉。徐實不夭而死。何沾沾于入祠而亟待成。于未爲婦之人。此特女之託以自申其志耳。其已不足據爲正書矣。及女事姑。歡姑。遭疾死。皆女經紀之。屢欲引決。則又紀宗長規之以兩世未葬。嗣子未立。徒死無益云云。已而與伯叔析居。受瘠田三十畝。多浮糧。饘粥恆不敷。女爲窀穸計。晝夜操作。積貲旋失。于盜再耗于病。則又紀戚黨見女憔悴甚。規以攝生謀嗣。而女先失父母。一弟夭。兄客。一婢亦遣去。自知力不支。欲鬻產營葬。眾尼之。終于葬。無措。嗣無人。憤恨之極。而絕粒。未幾遂至投繯矣。吾聞嫁殤非古禮。而守貞實美德。蓋自後世貞信之教微。而有能誓死。

○此○處○持○論○尤○侃○侃○足○以○扶○風○教○

○疑○世○道○

靡他者雖過正猶之正故夫未婚守節之爲貞比於封股療親之爲孝令典皆褒卹之鄉黨必矜式之行道且聞而歎助之然則視貞女之爲視氏徐氏光也明矣旣幸有是以光於兩家固宜合力早爲之所俾慰其志而成其美此則兩家之人之責也夫祝衣冠大族也女旣自有父兄徐又明明有宗長戚黨可與言有伯叔可與居女所志者僅葬耳嗣耳胡至聽彼惻惻之手口自營十數年而若內外之虛無人也者甚乃欲鬻產營葬而暇且尼之尼何心眾何人也其末紀女年止四十三嗣子一名鳴珂方三歲女沒後所立叔子何以不立於存時而立於旣歿之後叔又何爲者

○附○家○交○黃○九○勝○

也是女不得其死。眾成之也。然而女不得其死。女已無忝所生矣。然而眾則忝所生矣。豈不惑哉。方今

堯舜重光。教化日新。亟

詔取節義之事。官爲旌獎。貞女以新死。其待請坊與祠。有日爲略。中未暇及。惟是纓纓於女之窮苦終身。而迄無以慰其志。非惟女有憾焉。爲是略者。殆不免憾焉。然不著撰人姓名。豈卽女所謂旅食頻年之兄爲之耶。然則其兄亦在忝生中也。

悲惑兩層。一氣噴薄而出。而說惑處。直無一筆放寬。此等文。非復尋常表章節烈之可比矣。

○○○李貞孝本末紀

余既論祝貞女事。因茲有感於李貞孝事。不憚瑣紀之。李貞孝者。予故同年友海寧李家勳字紹衣未婚婦也。姓楊氏。父某監生。母某氏。生二子一女。卽貞孝。獨以端慧愛之。家世殷富。而李族貧。居袁化里。賃種監生田。恆不給租入。監生性褊急。頗重文。一日躬下田。見童子赤腳供饁。姿格清秀。問之。卽李翁子家勳也。九歲矣。異而勸之學。使入所立義塾。中資給之。數年讀五經畢。以應縣試。第一。監生喜。欲妻之。妻若子。恚曰。是老嫗所患女無家。而棄諸個人子乎。乃館生於家。偕其次子學。積不合。生年十五入泮。時女年十

四監生乘李翁踵門謝袖女庚帖示之遽出女與生拜於庭眾愕

○此欲成其志也

然不及阻既定監生亟營營奩具錫舍期一舉成禮顧連不得志

家人日漸靳薄女忍之父竟以致疾不起而婚期益眇矣于是勲

已二十外性剛儼不羈好遊學日進遊益廣出入無時一夕連呼

燈無應者女自帷激之曰丈夫不自處光明何依人受慢爲生故

識女聲大警悟徑出門不顧女初不意生之不復顧也乾隆庚午

勲年二十六領鄉舉女母兄將擇吉生獨以不官不娶辭而北甬

滯又數年越甲戌始考補內廷教習益發憤忽得咯血症卒年

止三十信聞女知母兄且有他議欲自引決屢矣既而思徒死無

大本領

益乃泣告母曰李郎所以不歸而死者嘗女故也憾深矣願暫容持服待其喪還一臨奠懺悔已然後定其所爲耳母信焉比櫬至女哭迎之郊倉卒要母以歸李母不可則又泣告母曰壻爲女死而翁姑老且瞽無別子女欲得當以報九原也母誠愛女與其迫之嫁而死曷若縱之歸而生女閨中所有皆父賜唯母與兄命之足給養勿女慮矣皆不得已許之廟兒卒哭朝夕起居於舅姑一切經紀操持如禮于是內外矜式之咸相呼曰貞女曰孝婦而李貞孝之名達城鄉矣貞孝性婉順而用心沉毅其委折有非丈夫能到者莫大於爲翁納媵一事嘗請於姑曰婦所賴以守者子也

今族中鮮可繼。蓋選侍天幸。生小叔。待其長而生子。卽婦有子。不  
虛耳。已而姑歿。遂大斥所有。成其事。時翁且七十。果生男德茂。二  
歲而繼室又歿。乃躬撫教之。翁壽幾八十。瞽忽開。親視晚子之嘻  
嘻。十齡。遺命呼嫂娘。笑而瞑。翁平居見貞孝。必起拜。必答曰。非但  
吾德若吾先世。咸賴若之繼絕也。是皆予於乙未丙申間。同年張  
君起鳳。周君春並。袁化人。次第詳告予。相歎爲非常。信天之必報  
之。不可無文以表章之者。第末審後何似。越數年。則聞德茂已婚  
生子。貞孝已得旌矣。又數年。聞子上學矣。貞孝益于乾隆五十四  
年。已酉。壽六十有四。守貞三十六年。事翁歷二十一年。以其坊價

佐兩世葬畢而後終信苦志竟成而天之不爽如此以視祝貞女  
彼以責恨此以壽考數則不齊其歸一也然吾聞貞孝當請坊日  
敘事蹟與張周兩君言詳略先後頗異又不及爲翁納賸有子事  
前州戰效曾作志亦失實使奇節大美幾湮不彰則甚矣予文之  
不可以已也或又曰州志稱貞孝姓徐氏楊蓋誤姑第勿深考云  
此真奇節大美求之列代史傳中亦無其匹文亦曲盡此與上  
篇皆先生晚年之文力盡化爲神筆之所至與物化而不以心  
稽矣。此事惜不令蔣清容先生聞之聞則譜入傳奇九種可  
增爲十